



selvaclub sagogn

**48avla radunonza generala dil Selvaclub Sagogn
vendergis, 24 da settember 2021 allas 19:00, Aula casa da scola**

Perstgisas: Chiara, Leonora e Enrico Arpagaus, Curdin Bundi, Anian Camathias, Petra e Sepi Cavelti, Vitus Gartmann, Gianna Jäger, Nadja e Paul Schmed, Nicole Schöpf, Selina Shresta, Ester Vonplon, Patric Caderas

Presents: 17 persunas (tenor gliesta)

Tractandas:

1. Beinvegni ed elecziun dumbravuschs
2. Approbaziun dalla gliesta da tractandas
3. Approbaziun dil protocol radunonza generala 2020
4. Rapports annuals
 - a) dalla presidenta
 - b) dil caus G&S (Patric Caderas)
5. Rendaquen
6. Rapport dils revisurs ed approbaziun dil quen
7. Preventiv 2021/22
8. Contribuziun annuala
9. Elecziun d'ina nova actuara/d' in niev actuar
10. plan da lavur 2021/22
11. Material d'emprest scola Sagogn
12. Orientaziuns e varia

1. Beinvegni

Nossa presidenta Marianna Manetsch fa in cordial beinvegni als presents ed arva la 48avla radunonza generala.

Ella constatescha che la radunonza generala seigi stada publicada 2 gadas el Fegl Ufficial ed ella Ruinaulta.

Vanessa Panier vegn elegida unanimamein sco dumbravuschs.

2. Approbaziun dalla gliesta da tractandas

Davart la radunonza generala dat ei neginas propostas ni addataziuns pertuccont tractandas. Las tractandas vegnan approbadas unanimamein.

3. Protocol radunonza generala 2020

Il protocol dalla 47avla radunonza generala ei publicaus sin nossa homepage. Plinavon ein entgins exemplars dil protocol mess si dapi las 18:30 per prender envesta.

Il protocol vegn approbaus unanimamein.

4. Rapport annual

a) dalla presidenta

Marianna fa in sguard anavos sin la stagiun vargada:

Situaziun da neiv:

Igl unviern 20/21 sa en tuts graus vegnir taxaus sco excepziunals. L'emprema neiv ei gia curdada da S. Clau ils 6 da december ed ell' jamna suenter havein nus schon giu grondiusas loipas. Igl ei stau per affons e carschi in unviern da delètg. Tut ils trenaments da nossa JO han giu liug sin nossas loipas a Sagogn. Cuzzau ha la stagiun entochen ils 7 da mars.

Eveniments:

Malgrad las grondiusas relaziuns da neiv/d'aura, havein nus muort prescripziuns/mesiras naziunals en connex cun Covid 19/Corona stuiu desister da tuts eveniments.

Tegia:

Era en Tegia han las mesiras da Corona pretendiu entginas preparativas e midadas. Denter auter havein nus stuiu organiser preits da plexiglas, indrez da desinfectar, butteglas d'alcohol da desinfectar ed aschia vinavon.

Cun novas installaziuns da pagament sur TWINT e Sumup, pia online, han da niev era ils pagamenti en Tegia saviu vegnir adattai conform a Corona.

Plinavon havein nus igl unviern passau giu negin meinategia sco tochen dacheu. Grazia agl enorm engaschi dil team ad hoc dils commembers dil Selvaclub havein nus tuttina saviu arver la Tegia mintga fin d'jamna e cun exepziun dils gliendisdis e mardis era durent l'jamna. Aschia han indigens e hosps saviu guder ina ga dapli nossas bialas loipas en cuntrada unica.

In grond engraziament a tuts che han segidau en caussa.

Engraziament:

Marianna siara il sguard anavos cun in cordial engraziament als trenaders per lur grondius engaschi en favur da noss affons, als geniturs per il sustegn e la motivaziun dils affons, a Roman per sia lavur sco coach e coordinatur da J&S, al team ad hoc dalla Tegia ed als collegas dalla suprastonza per la collavuraziun emperneivla. Engrazièl fetg.

b) Rapport dil cau G + S, Patric Caderas

Pervia d' ina pintga maldispostadad ha nies cautrenader Patric stuiu seperstgisar per la rg. Sper las «Challanges» da Swissski han muort Corona neginas occurenzas da JO saviu vegnir menadas atras, aschia che siu rapport croda per questa stagiun.

5. Rendaquen

Nies cassier René Wellinger explichescha il quen annual 2020/21. La facultad dil Selvaclub munta ils 15-9-2021 sin frs. 74'622.20. Il quen 2020/2021 siara cun in bi gudogn net da frs. 21'071.45. Plinavon explichescha René cumpetent tuttas posiziuns el quen cun informaziuns corrispundents.

6. Rapport dils revisurs

En num da nos revisurs Enrico Arpagaus e Hans Niederberger constateschan Hans che tut las quittanzas ein avon maun e che la contabilitad seigi vegnida menada cunscient e schuber so adina. Hans propona alla rg d'acceptar il rendaquen e da dar la descharscha a cassier e suprastonza. Il quen vegn approbaus unanimamein.

In grond engraziament a René per siu grondius engaschi dapi decennis en favur dil Selvaclub. Plinavon engraziein era a nos revisurs Hans ed Enrico per lur preziada lavur.

7. Preventiv 2021/22

Sper entradas da sfr. 5'150.00 prevesa il preventiv expensas da sfr. 22'850.00.

Las expensas principalas ein previdas per camps da trenament ed excursiuns da nossa JO (Camp a Lantsch, dis da J&S a Maloja, camp da primavera)

Damai che nossa JO trenescha igl atun quasi tuttina ditg polisportiv (cuorer, walking, rollski e velo) sco sin neiv, eis ei previu da cumprar vesgtheadira multifunziunala. Il preventiv prevesa per quei intent ina summa da sfr. 10'000.-. En quei connex ei previu da far ina purschida da vestgadira er per ils ulteriurs commembers.

Il preventiv vegn approbaus unanimamein.

8. Contribuziun annuala

La suprastonza propona da mantener la contribuziun annuala per commembers "A" sin frs. 40.00. Commembers digl SST pagan naven da 18 onns medemamein la contribuziun da frs. 40.00 (analog comembers "A") e persunter negina contribuziun per l'JO.

La proposta vegn approbada unanimamein.

9. Elecziun d'ina nova actura/d' in niev actuar

Deplorablamein eis e aunc adina buca gartegiau d'anflar in/ina niev/nova actuar/a.

Marianna resumescha court las incumbensas ch' il post sco actuar/a dil Selvaclub portan. D'ils presents ei deplorablamein neigin promts da surpender quell'incarica, aschia ch' il post d'actuar statt vinavon vacants.

10. Program da lavur 2021/22

Drizzar en p'il menaschi d'unviern	20-11-2021
Test da skis	15-01-2022
Fuffernadi da cuorsa liunga	16-01-2022
Cuorsa Energia Alpina Nordic Cup a Sagogn	22-01-2022 (ev. cun fiasta dil club)
fin dalla stagiun	13-03-2022
Fiasta d'atun/dil vitg (ustria)	September '22

11. Material d'emprest scola Sagogn

Duront l'jamna da skis san ils scholars dalla scola Sagogn eleger denter ski alpin, aissa da snowboard e dapi dus onns era cuorsa liunga. Ils affons ch'elegian ski alpin ni aissa astgan mintgamai retrer equipament corrispudent gratuit si murschetg. Ils passlunghists han tochen dacheu stuiu procurar e pagar sez igl equipament ch'els han retratg tier nus en Tegia.

Plinavon absolvescha la scola da Sagogn trenaments da cuorsa liunga duront gymnastica. Per quei intent sto la Tegia mintgamai organisar equipament d'emprest supplementar tier Bieler Sport. Quei material tschenta Bieler Sport mintgamai en quen alla scola. La summa da quei material ha muntau igl onn vargau sin ca. sfr. 510.- per treis gis.

Damai ch'igl intent d' il Selvaclub ei da promover ils affons ed il sport da cuors liunga, propona la suprastanza da surprendre quels cuosts el futur ed ad interim.

La proposta vegn approvada unanimamein.

12. Orientaziuns e varia

Ellas proximas jamnas lai la vischnaunca remplazzar l'illuminaziun dalla loipa da notg cun cazzolas da LED, aschia che nus havein per il proxim unviern puspei ina illumniaziun funcziunala. Era uonn ei previu d' illuminar la loipa da notg mintgamai il margis, la mesjamna e la gievgia, e quei mintgamai dallas 18.00-21.00.

Malgrad che nus havein la stagiun vargada giu negin cautegia sco auters onns, havein nus, grazia al grondius engaschi d'entgins da noss commembers, giu ina fetg buna pruschida d'urari ella Tegia. Auter ch'entgins gliendisgis e margis havein nus giu aviert quasi mintgadi e quei cun grond success. Per la proxima stagiun lein nus cuntinuar aschia e sche pusseivel engrondir nossa pruschida. La lavur vegn vinavon cumpensada finanzialmeyn. Sco la stagiun vargada metta Marianna puspei a disposiziun in plan/in Doodle nua ch' ils intressai san s'annunziar per lur engaschi.

Per la stagiun 2021/22 ha «Loipen Schweiz» decidu d'augmentar il prezzi dil «Schweizer Langlaufpass». En quei connex ein Trin nordic, Flem e sagognturistem secunvegna d'augmentar ils prezzis per las ulteriuras cartas.

Loipenpässe / Tickets

(Kinder bis 16 Jahre laufen gratis)	CHF	Gültigkeit
Langlaufpass Schweiz	160.00	ganze Saison / ganze Schweiz
regionale Saisonkarte	90.00	ganze Saison / Trin - Flims - Bargis - Sagogn
Wochenkarte	50.00	eine Woche / Trin - Flims - Bargis - Sagogn
Wochenkarte für Gäste	45.00	mit Gästekarte Trin bis Sagogn
Loipen-Ticket (Tageskarte)	12.00	ein Tag / Trin - Flims - Bargis - Sagogn
Loipen-Ticket (Tageskarte) für Gäste	11.00	mit Gästekarte Trin bis Sagogn

Für die Loipe Plaun ist das Loipenticket im Fahrpreis für die Bergbahn inbegriffen.

Malgrad bia neiv, ha la colligiaziun dalla loipa denter Sagogn e Schluein, ella regiun crusch, dau entgins fastedis. Schegie che las relaziuns da neiv eran grondiusas dad omisduas varts, eis ei per part buca stau pusseivel da traversar quei tschancun muort munconza da neiv. Ord quei motiv eis ei previu da menar il percurs dalla loipa la stagiun vegnenta sur il medem percurs sco la via dils pedunz (Wanderweg).

Davart dala rg vegn supplichau d'unscher pli savens ils skis d'emprest ella Tegia. Per la stagiun vegnenta duei quei vegnir risguardau cun mobilisar ils commembers ed eventualmein cun ins Spray dad unscher.

La preparaziun parziala dalla loipa cun neiv artificziala ei era prevedida uonn.

Suenter che la fiasta dil vitg/d'atun ha er uonn buca giu liug muort Corona/Covid 19, ei il Selvaclub responsabels per l'ustria a caschun dalla fiasta il settember 2022.

Ulteriurs termins :

Cuorsas energia alpina cup

31 da december 2021	=> Castrisch
29 da schaner 2022	=> Sedrun
12 da fevrer 2022	=> Trun
05 da mars 2022	=> finiziun Trin

Camps JO

2 + 3 d' october 2021	=> Camp Biathlon-Arena Lantsch/Lenz
8 + 9 da schaner 2022	=> J+S Tage Maloja

Allas 20:40 siara nossa presidenta Marianna la 48avla radunonza generala, engrazia als presents per lur preschientscha ed envida ils commembers a tscheina ella Stiva Grischuna.

Sagogn ils, 15 da november 2021

Harald Schöpf